

LAERSKOOL LOCHNERHOF
 Sarel Cilliersstraat, Strand / Posbus 124, Strand
 Tel: 021-854 7316 / Faks: 021-853 4711
 E-pos: admin@lochnerhof.co.za
 Webtuiste: www.lochnerhof.co.za
 SMS: LH (gevolg deur boodskap) na 34050



NUUSBRIEF 32 VAN 2012

UIT DIE HOOF SE PEN

ONS DROOM GROOT MET AKSIE!

10 GEDAGTES WAT 'N VERSKIL IN ONS LEWENS EN DIE VAN ANDER SAL MAAK:

1. Jy kan nie die verlede verander nie, maar kan die huidige ruïneer deur jou te bekommer oor die toekoms.
2. Indien jy jou hart wil vul met verwyte oor gister en bekommernisse oor môre, het jy geen vandag om voor dankbaar te wees nie.
3. Alle mense glimlag in dieselfde taal.
4. Almal verdien om bemin te word ... veral hulle wat dit nie verdien nie.
5. Woede is 'n toestand waar die tong vinniger werk as die verstand.
6. Indien iemand iets slegs oor jou sê, leef so dat niemand dit glo nie.
7. Geduld is die vermoë om jou enjin te laat "idle" terwyl jy voel jy wil jou "gears strip".
8. Om uit die moeilikheid te kom, moet 'n mens gewoonlik daardeur.
9. Liefde is die enigste ding wat verdeel kan word sonder dat dit minder word.
10. Dank God vir wat jy het en vertrou Hom vir wat jy benodig.

DAGBOEK / SPORT

DINSDAG, 30 OKTOBER	BRING HERWINNING SKOOL TOE <ul style="list-style-type: none"> • KONTROLE VAN KORREKTE SKOOLDRAG • BREINBOELIES: ENGELS <p style="text-align: right;">KRIEKET O/11B VS DANIE ACKERMAN (WEG) KRIEKET O/13B VS DANIE ACKERMAN (TUIS)</p>
WOENSDAG, 31 OKTOBER	<p style="text-align: right;">KRIEKET O/11A SOMERSET HOUSE (TUIS) KRIEKET O/13A VS SOMERSET HOUSE(WEG) MINI-KRIEKET VS DANIE ACKERMAN (WEG)</p>
DONDERDAG, 1 NOVEMBER	MUSIEKKONSERT <p style="text-align: right;">TENNISLIGA KRIEKET O/11C VS EIKESTAD (TUIS)</p>
VRYDAG, 2 NOVEMBER	GR.3 ENTREPRENEURSDAG
SATERDAG, 3 NOVEMBER	TOP 12 -ATLETIEKBYEENKOMS

GRONDSLAGFASE

Baie dankie aan al die ouers en maats wat die Vlieërdag bygewoon het. Dit was beslis 'n dag waaroor almal nog lank gaan gesels.

Volgens Marli Swanepoel (joernalis) is daar 5 dinge wat alle gelukkige kinders in gemeen het:

- **Hulle ontvang liefde.** Liefde mag dalk 'n vae term wees, maar dit is 'n baie belangrike woord: Dit is daardie onbreekbare band wat julle van hulle geboorte vir ewig bind.
- **Hulle word konsekwent behandel.** Kinders moet presies weet waar hulle staan. Hulle moet ook weet dat die reëls wat vandag geld, môre ook gaan geld.
- **Hulle ontvang 'n goeie voorbeeld.** Kinders se gedrag word bepaal deur die voorbeeld wat daar vir hulle gestel word.
- **Hulle het selfvertroue.** Ouers wat selfversekerd en positief is, maak hulle kinders ook selfversekerd en positief groot.
- **Hulle het pret.** Kinders moet voel dat dit vir hul ouers lekker is om kinders te hê. Sommige ouers neem ouerskap so ernstig op dat hulle van die pret vergeet.
- Dit is beslis iets waarmee ons onself kan evalueer.

Etiket: Gooi rommel in 'n vullisdrom.


SENIOR EN INTERMEDIÛRE FASE

Die uitpak van Kersversierings in die winkels herinner my jaarliks ook aan 'n ander belangrike gebeurtenis – die eindeksamen. Net soos 'n kind uitsien na die heerlikheid rondom Kersfees, behoort hulle ook uit te sien na die eksamen waar hulle kan rekenskap gee van hulle akademiese groei deur die jaar. Eksamens moet beslis nie iets wees waarvoor kinders bang is of mee afgedreig word nie. Indien hulle hul kant gebring het deur die jaar, behoort dit 'n tyd van opwinding te wees. Die geheim is natuurlik om betyds te begin met **voorbereiding** daarvoor.

Vergewis uself asseblief van die **eksamenrooster en die werksafbakening** (wat reeds aan die leerders gegee is) en begin vandag reeds toesien dat u kind hersien vir die eksamen. Werk saam met hom/haar 'n hersieningsrooster uit en maak seker dat sy/haar opsommings in plek is voor die eksamen begin. Ons begin **skryf op 12 November** d.w.s. daar is nog net 9 akademiese dae oor voor die eksamen begin! Sterkte aan elke Lochiewenner vir hierdie laaste pylvak.

Neem asb. kennis dat die **Jaarlikse Asseseringsrapport** verlede Vrydag aan elke leerder oorhandig is.

MUSIEKKONSERT



Ouers en leerders word hartlik uitgenooi na ons musiekkonsert wat op Donderdag, 1 November om 19:00 in die skoolsaal aangebied word. Die blokfluit- en klavierleerders het deur die jaar baie hard gewerk en die konsert is beslis 'n hoogtepunt waar mev. Carstens en Du Plessis met hulle musiekleerders spog! Kom luister gerus saam! Toegang is gratis.

SPORT

- Sport verskaf afleiding aan leerders met probleme (emosioneel en huislik) m.a.w. hulle vergeet tydelik daarvan.
- Sport lei tot die ontwikkeling van sosiale vaardighede (iets wat vandag baie belangrik is).
- Sport moedig samewerking aan (waardes).
- Sport bly nog steeds die beste manier om Vitamien D aan die liggaam te voorsien.
- Sport bied 'n geleentheid tot kommunikasie tussen ouers en kinders.
- Sport bied 'n geleentheid aan onderwysers om op 'n ander vlak met leerders te kommunikeer en dit lei dikwels tot 'n beter begrip van die leerders as in 'n klassituasie.

- Roseleen Dalence -

Sterkte aan al ons atlete vir die Top 12-byeenkoms die komende naweek.

PRESTASIES

Baie geluk aan **Franco van der Merwe** wat 'n Silwer Voorslagtoekenning verwerf het by die Strand se Voortrekkerkommando.

SKOOLGELD



Ons herinner u dat **ALLE SKOOLGELD vir 2012 reeds op 7 November** betaalbaar is. Kontak asb. me. Dreyer by 021-854 7316 indien u alternatiewe reëlins wil tref. Ons maak staat op ons ouers se samewerking.

TAG-A-LONG (MERK VAN SKOOLKLERE, SKRYFBEHOEFTE EN PERSOONLIKE BESITTINGS)

Dit is noodsaaklik dat somerklere, kosblikke, waterbottels, skryfbehoeftes ens. vir 2013 duidelik gemerk is sodat verlore goedere aan hul regmatige eienaars terug besorg kan word.

Ten einde aflewering voor die einde van die skooljaar te verseker moet voltooiide bestelvorms met die korrekte kontantbedrag asb. by Estelle by die Klerebank ingehandig word of alternatiewelik kan elektroniese betaling gemaak word na:

MA Boehme
FNB Capegate, Takkode 251945,
Rekening Nommer: 62172121148,
Verwysing. "KS" & Leerder se Van

Stuur asb. bewys van betaling aan karensnyman@telkomsa.net of faks na 086 564 4598.

(Neem asb. kennis dat bestellings slegs verwerk sal word met ontvangs van betaling.)

Bestelvorms is vandag aan leerders uitgedeel. Voorbeelde van die etikette is by Estelle in die Klerebank beskikbaar.

Vir verdere inligting kontak Karen Snyman by karensnyman@telkomsa.net
of 082 925 9988

SKOOLGELD 2013

Die skoolgeld en begroting vir 2013 is goedgekeur op 'n algemene ouervergadering Dinsdag, 16 Oktober 2012. Dank aan die ouers teenwoordig.

Die begroting is 'n weldeurdragte begroting wat hoë standaarde in terme van leer en onderrig sal verseker.

GRAAD R en RR

Skoolgeld vir 2013 sal R910 per maand per leerder vir 11 maande beloop. Geen kwytstelling is van toepassing nie. Skoolgeld is maandeliks vooruitbetaalbaar voor of op die 7de van elke maand vanaf Januarie 2013 tot November 2013.

GRAAD 1-7

Skoolgeld vir 2013 sal R910 per maand per leerder vir 11 maande beloop. Skoolgeld is maandeliks vooruitbetaalbaar voor of op die 7de van elke maand vanaf Januarie 2013 tot November 2013.

INDIEN U DIE VOLLE JAARLIKSE SKOOLGELD BETAAL VOOR/OP	ONTVANG U KORTING VAN	BEDRAG BETAALBAAR
31 Januarie 2013	10% - R1 001-00	R9 009-00
28 Februarie 2013	7,5% - R750-75	R9 259-25
31 Maart 2013	5% - R500-50	R9 509-50

Lochie-van-die-Week: Gr.1-3

GR.1A REINHARDT RUSSOUW

GR.1B THOMAS BADENHORST

GR.1C MIA SMUTS

GR.1D DANÉ SMITH

GR.1E T'NEILL BADENHORST

GR.2A DERICK VAN RHYN

GR.2B ZANDER LUDEMAN

GR.2C JUSTIN ETSON

GR.2D CARLI SWART

GR.3A TAYLIN BOSMAN

GR.3B ASHLEY MARAIS

GR.3C ZIA GROBLER

GR.3D LIANCA VAN STADEN

Lochie-van-die-Week: Gr.4-7

GR.4 QUINN VISSER

FELICIA HARTNICK

CHRIS PUNT

FRANCOIS COETZEE

GR.5 RULISE DU TOIT

MICHAEL BYLEVELDT

GR.6 LINDIE GEYER

GR.7 GEEN LOCHIE-VAN-DIE-WEEK